

2

程

旅燕集

嶺南歐大任楨伯甫

七言律詩

發華節亭過靈洲至三水與鈞謨猷三弟別
片帆已過鬱洲臺風急驚沙落鴈哀
萬里獨憐難判袂三江猶得共嚙杯
西陵濤起思康樂南國書歸念大雷
弟妹分歧貧更苦客輶今去幾時回

過韶州宿芙蓉驛

峽過滇陽盡始興舊遊名勝記吾曾
霜天鴈字孤

城月水驛灘聲一夜燈瀧口刺船愁問吏曹溪飛
錫欲尋僧夷猶更進芙蓉權韶石峰頭望舜陵

同胡僉憲登雲封寺觀音閣翫梅花

嶺開孤閣倚巒岈攜手高臨百八盤山畔幽香移
般若天邊殘雪落旃檀春催遠客兼程早驛報長
安一騎寒十載江南誰把翫北枝今日正宜看

淦口望胡僉憲舟不至先赴金川驛相待

江樹寒淡獨鳥依郵亭回首嘆蓬飛湓峰鴈去衝
殘雪淦水帆來帶落暉日短山城收市早風高溪

寺聽鐘微瑤琴玉澗今何處水遠天長客未歸

雪後渡淦水至蕭水寄潘少承

風前淦口嘆飄零雪後瀟灘更杳冥問驛尚知黃
蘗館渡江還向淥波亭異鄉只見山雲白故國應
多海樹青此際想君開閣望計程時一展圖經

雨中趨陸過瑞州

朔風驅馬聽晨雞路人筠州晚色迷小洞雪封梅
樹外飛霞寒挂竹林西自憐殘臘猶奔走長憶他
鄉尚鼓鼙問訊謝公歌舞處萬峰零雨一猿啼

大雪宿建昌早行過德安

白雲千里上巒岼石耳香爐雪未乾身到岷丘羣
玉府夢游天女散花壇閉關豈合長高臥跨馬偏
宜半醉看漸過楚鄉仍北望瑤臺瓊闕是長安

雪夜同胡伯賢宿東林寺

山僧留客解征鞍虎笑溪橋雀遶壇兩寺疎鐘雲
壑暝萬峰積雪石門寒夜淡窻竹驚頻折臘盡溪
梅落未殘却望屏風飛瀑下何時還共醉中看

曉過西林寺

峰頭雪霽日初升扶策西林問上乘高閣殘經千
劫火空山孤塔幾傳燈青蓮舊蹟誰爲主白鹿曾
遊不記僧笑憶柴桑猶強出十年心寄白雲層

初春三日潯陽渡江過黃梅

匹馬來看雲錦屏東風溢浦又揚舲九江濤湧帆
前白五老峰橫雪後青鴻鴈春歸書未至魚龍天
濶酒初醒蒼茫已向匡君別瀑布香爐遶驛亭

人日由蘄水過黃州長堤四十里馬上晴望
蘄春城在楚雲間策馬衝寒問五關積雪消時浹

水樹亂峰明處汝州山石頭古渡孤舟急樊口疎
鐘一鳥還記取天涯過人日莫愁雙鬢易成斑
尋東坡雪堂遂過赤壁磯下

錢唐爲守最風流誰遣臨臯詠四愁兩賦雲霞留
赤壁五年烟月醉黃州沙湖已決求田計樊口曾
來把釣遊莫向雪堂歌九辯江山蕭瑟白雲秋

黃州遇袁履善比部時量移郡丞

天涯把袂問何之海內才名識汝遲此地更留蘇
氏賦何人不誦謝公詩豫章一榻將懸日洛下扁

舟欲去時

聖主似聞前席待薊門烟柳憶歸期

白杲鎮冒雪趨麻城寄袁履善

萬樹官梅照酒杯爲誰千里雪中來貂裘零亂飛
花墜馬足凌兢踏鐵開草埠河將成玉渚木陵山
已作瑤臺却憶郡齋袁夏甫青綾淡擁散衙回

過官渡河入光山

候曉津亭驛騎多中原道路此經過鎮淮樓影臨
官渡浮弋山光帶寨河白氎尚存京洛俗青翰空
憶越人歌北風吹雪千餘里零亂貂裘柰爾何

過汝南訪徐子與使君

望氣尋君汝鄧來乘春冰雪馬前開周璆謬忝齋
中客徐幹今推鄴下才坐嘯試臨桐柏水倚歌還
上景夷臺長安西去誰知己乞取金龜醉幾回

徐子與春日表臺宴集得春字

客來十日飲河濱淮蔡城邊氣色新把袂未消千
里雪開尊先散萬家春嵩山杳靄連王屋洛水縈
迴帶孟津百尺高臺君試望中原鞭弭更何人

謁大復先生祠堂

賢隱山前宿草烟祠堂今築表臺邊伏生不待傳
經歲賈誼空傷作賦年客望函關仍紫氣書藏嵩
岳並青天從游載酒嗟予晚門下何人受太玄

登汝南城樓

將軍白馬舊臨關樓櫓中原戰守閑汝曲自成懸
瓠水淮南遙見朗陵山鴈鴻早向春風過鵝鴨偏
驚夜雪還陳蔡北來今重鎮戍笳聲在亂雲間

鄭州客舍懷故園諸子

候館蕭條一騎過黑貂風雪意如何長堤日落行

人少遠樹天寒宿鳥多僕射陂前京北路武疆城
畔楚西歌春來縱有停雲句雙鯉那因到汴河

鄭州登樓望中嶽

名岳峒堯接上台毓祥今有中興才雲扶二室天
邊出日映三花雪後開周典尚餘巡狩跡漢家新
築集靈臺太平不復論封禪時聽嵩呼萬歲來

渡黃河

津頭小吏候旌干河激高歌舉櫂歡天轉浮雲酸
棗決濤翻斜日具茨寒萬行歸鴈風前過一片征

帆樹裏看沉璧宣房非漢代君王無事詔千官

河上送七郡太守入洛

關東猶切九重憂已報諸侯會洛州梁獄竟勞田
叔按楚筵寧見穆生留嵩邛遠近生寒色瀝澗東
西急暝流何日山河還帶礪詞臣空憶兔園遊

尋空同先生河上草堂

西來孤騎過中原却憶詞人舊有園岳色至今干
紫極河聲猶似下龍門雪驅梁苑千年賦雲慘潯
陽萬古寃荒徑只今書帶滿獨留玄草在乾坤

汴梁懷古

縹緲宮城十二樓玉津無復昔年遊烟淡廢苑常
疑雨柳折殘堤半似秋遺老尚能談楚漢平臺誰
更名枚鄒輶軒一望中原路長送黃河過汴州

過鄴下訪謝山人茂秦

中原七子似君稀獨向西河老布衣四海風雲鴻
鵠遠五陵烟月薜蘿歸竹林青蔭烏皮几銅雀高
臨白板扉自笑緇塵京洛去新詩偏憶謝玄暉

叢臺

磁州北走邯鄲道一上高臺萬里思馬服山從低
樹見葛鵝城爲濁河移啼鳥豈是嬌歌日衰草全
非袷服時六國不知蠶食易西來游客最堪疑

登龍興寺天寧閣同胡僉憲伯賢閱觀音像

像高七丈三尺宋開寶四年鑄

佛閣凌空百尺浮六鰲曾此負神丘金身天竺來
何日石塢波羅到幾秋恒岳烟消通大漠滹沱風
急湧寒流憑高豈但超塵劫咫尺彤雲是帝州

初至燕京宿報國寺英上人房

長途日暮叩僧扉疑入名山坐翠微高閣佛燈留
客枕中天禪月照征衣不堪夜夢仍南去已聽春
鴻盡北飛回首緇塵心獨遠欲從初地得皈依

登毘盧閣

東方初日照觚稜振鳥馮高眼倍明四塞河山環
大內諸天樓觀俯滄瀛花臺似湧雲中出仙袂疑
從嶽頂行絲檻雕闌閑倚遍九霄長送鳳凰聲

寓黎秘書館王全人見過

獻賦長安春暮來故人今典漢蘭臺紫貂貰酒君

能過玉笥藏書客自開金馬沉冥猶薄祿青雲冠
蓋幾憐才竹林正是邀懽地車騎良宵得共陪

吳侍御約卿宅同黎秘書惟敬杜舍人從殷
得臣字

日下衣冠散紫宸鄭莊虛席正邀賓鷓鴣燕市頻
沽酒鴻鴈胡天半過春自笑負薪隨計吏偶從視
草識詞臣尊前意氣惟須醉世路風塵白髮新

和顧汝和玉河堤上見白燕

海上遙思玳瑁梁御溝東畔幾迴翔瑤臺乍過疑

無影珠樹曾棲半帶霜風裏差池飛玉舄月中粧
束舞霓裳誰云京洛緇塵化猶自銜恩繞建章

送陳侍御道襄巡畿甸及齊魯諸郡

虎節翩翩獬豸冠前驅負弩渡桑乾花飄燕甸春
風早雨過齊州岱色寒東海煮鹽紆國計北庭飛
粟募材官芝泥玉檢登封地羨爾雲邊策馬看

送陳進士彥吾使密雲兼還南海省覲

前驅負弩驛亭間建節東行暫出關霄漢乍辭丹
鳳闕風烟先卷白檀山主恩遠許封輅去家慶

淺歡綵服還莫戀故園春草色漢庭郎吏待鷄班

梁彥國灤州書至

疲馬饑銜首菑嘶憐予千里望遼西風驅朔雪盧
龍近雲暗春城碣石低帳下譚經留客坐齋中把
酒聽鶯啼雄文最似相如賦侍從河東待爾題

送岑允穆司理池州

春溪楊柳暗燕關南去襜帷不可攀雪浪城頭江
祖石芙蓉天外李家山訟堂吏散鶯堪聽藥院僧
來雀共閑秋浦看花能憶否封書須及早鴻還

首夏沈鴻臚宅同吳侍書黎秘書顧舍人賞

牡丹

玉鞭遙向五陵家
沁水園中日未斜
萬片綵雲飄
翠幕一闌紅錦照
晴霞席茵最憶江南草
尊酒頻看薊北花
歡賞幸陪供奉客
絕勝歌管七香車

送王武庫定甫使金陵因還南昌展省

供帳都門贈柳條
仙郎銜命下丹霄
浮雲萬里辭燕甸
明月孤亭擁漢輅
碧草漸迷揚子渡
青溪還問謝公橋
過家莫羨南昌尉
鳴玉含香滿聖朝

同錢水部吳職方施繕部曾虞部登西山絕

頂

絕嶂西來翠柏殘
片霞時墮漢臣冠
青天大嶽雲邊出
落日中原馬上看
玉氣重關開碣石
飛泉千折下桑乾
欲將鳧鷖翩翩去
花落天壇露正寒

曉出玉泉山經西湖

玉泉散作鏡湖波
聞道宸遊向此過
宮闕三山浮弱水
樓船千里度星河
白麟朱鳳無消息
瑤草金芝近若何
詞客昔年誇扈從
琳池花似漢時多

省中芍藥和惟敬

苑中紅藥豔陽催禁直仙郎宴賞迴宮錦乍披青
玉案露華淡注紫霞杯清芬結佩佳人贈遲日當
堦上客裁詞賦王褒今待詔鑾輿臨幸幾時來
雨夜鄭駕部攜酒同過黎司封宅時司封已

擢廣西叅藩

佩刀解贈意躊躇把袂燕歌淚滿裾客路風烟頻
漢詔主恩天地有潘輿薊門夜色千家雨桂海
秋濤九月書鄉里衣冠吾獨後凌雲空自老相如

雨中過周園訪沈山人與姜膳部對酒作

虎林詞客宿稱豪下馬何人問濁醪醉裏山連秦
苑樹賦成風起曲江濤

山人以所著
七闡相示

雨淡綠草胡

塵斷雲散金莖漢闕高豈有雄文今待詔桓譚猶
道在春曹

送司封黎郎中惟和出叅廣西政

鳳城芳草散鳴珂橫笛誰堪馬上歌荆楚曉烟飛
越嶠湘灘秋色入牂牁省郎劍佩雲霄遠詞客江
潭岳牧多玉節明年應趣召咸陽西上莫蹉跎

酬王舍人儀甫潞河見寄

驪駒幾日出燕關
咫尺青雲不可攀
便訪安期滄海上
誰容方朔漢庭間
故人書札愁中寄
逐客風烟夢裏還
秋色王程應漸遠
知君西望太行山

約卿宅同元白惟敬咏盆荷得前字

華頂曾窺玉井前
燕陽還賦九花蓮
秋風細灑池邊石
暑氣全消雨後天
魚戲綠波經十里
龜游清露已千年
因思溪上芙蓉館
誰更菱歌上釣船

余隱

居有芙蓉溪往年與惟敬泛舟同咏

夜飲諸太史端甫宅

周南初返直廬年
朝退能開野客筵
宮錦夜披明月下
禁鍾秋到鳳樓前
玉繩低映長安樹
仙掌高擎白露天
方朔自慚還索米
漢庭空有故人憐

同元白惟敬過約卿所出鱒魚侑酌感賦

賜鮮今見出青冥
旅食京華鬢已星
珠履尚彈孤客鉢
金盤寧羨五侯鯖
天遙漁艇三江水
秋入鱸鄉萬里亭
何處滄洲無釣侶
清時猶自戀宸扃

新秋同文壽承沈懋學文休承許殿卿姚元

白黎惟敬集吳約卿高齋得飛字

初聞征鴈送斜暉涼夜高齋此會稀滄海月從危
堞過太行雲入小窻飛狂來每憶蓮池咏醉後還
尋竹逕歸萬里秋風長作客尊前空媿薜蘿衣

送許右史殿卿之河南

曳裾聞爾相東平詔許親藩借老成梁苑詞臣齊
客在濟南經術漢家名驅車落日河流遠策杖秋
風嶽頂行莫嘆壯遊今已倦 主恩還遣入西京

萬壽節早朝皇極門

清秋闐闐曙光分逢掖追趨謁 聖君南極一星
珠斗近嵩呼三祝絳霄聞九僊贊後班羣瑞八伯
歌成下五雲白雉赤麟誇盛事蘭臺還奏漢都文

朝退出右掖望西苑

紫宸分仗散千官誰奉西清曲宴懽瑤水風雲隨
玉輦蓬萊宮殿接金鑾九霄旛影玄壇闕五夜鐘
聲碧洛寒却憶甘泉秋色裏侍臣多在月中看

盧方伯少明入京中秋見邀玩月

使車南去少能留此地還期月下遊萬里星環燕

闕夕九關榆落薊門秋已聞卿相頻推轂自笑風塵老敝裘賓從他宵還對酒不知誰共庾公樓

十六夜小齋待月元白約卿同賦

東來車騎訪幽棲共待清光手重攜九市烟塵人境外萬家砧杵帝城西黃山遠見宮槐直紫閣平臨海樹低何事天涯問圓缺故園應待尺書題十七夜同何太僕盧方伯袁節推集黎秘書

宅

賜金幾日出西京秘省留權此夕情漸望使星天

畔去尚懸卿月禁邊明騰驤獨識秦關騎戰伐曾談漲海兵只尺君恩如召問上書何以答昇平

九日同黎秘書李黃門吳馮二侍御登宣武門樓

百二山河控上游鬱葱佳氣滿皇州風驅大漠浮雲色天轉滹沱落日流雙闕金莖連紫極萬家紅樹動高秋佩萸汎菊俱恩澤不是荆南獨倚樓

送何太僕入賀還平涼

長安何處望蕭關醉裏燕歌一解顏輯瑞北來趨

國朝詩集 旌勳和卷之三 古
魏闕封軺西去過秦山城連上郡羗胡遠馬飽中
原戰伐閑乘障莫嗟邊吏苦壘書行名護軍還

癸亥明堂大祀禮成紀事

甘泉高擢漢明庭更築崇臺禮萬靈宗祀偶同書
癸亥中興誰復數殷丁芝生九葉銅池碧日抱重
光玉樹青前殿公卿頻上壽萬年何用禪云亭

送姚匡叔之魏郡兼寄謝茂秦

蕭蕭一騎渡洛河知有心期在薜蘿漳溢波聲黃
葉下邢襄秋色白雲過股肱三輔分庭少筆札諸

生任俠多後夜西園應見月謝家新賦更如何

過沙河行

離宮千里苑城開扈從當年盡漢才鳳辰尚留清
禁肅龍游曾奉屬車來日高複道晨驅出星散周
廬夜微迴宣曲長楊俱望幸彩雲深護建章臺

謁長陵

居庸壘嶂俯桑乾終古長陵王氣盤涼雨石城千
堞雪秋風金闕萬松寒鼎湖弓劍胡天遠原廟衣
冠漢月殘三駕犁庭思 帝力北門封守在長安

陽翠嶺

叢霄積翠築金墉仙仗曾過第一峰海日夜搖三
殿玉園霜秋落七陵鐘石當御路皆成鹿松起中
天半是龍 聖主合符臨萬國侍臣誰更頌東封

送李尚寶冊封肅府

曾使琉球海上行又馳關隴別承明蘭山星散千
秋壘榆谷天連萬里城負弩絳騶迎玉節直廬青
瑣憶金莖漢家茅土雄邊鎮從此河湟不用兵

送沈給事冊封周府

禮重親藩命漢官手持金冊出長安睢陽舊苑鳴
騶入洛涘名園載酒歡積雪歌聲猶縹緲夾池竹
色尚檀欒相如亦有游梁興何日平臺醉後看

送陳侍御道襄出按閩中

天書朝捧禁城西驄馬翩翩向晚嘶三策鑱闈周
禮樂六條行部越山谿頻年戈甲穿篁竹此日漁
樵罷鼓輦絕徼早宣 明主意勳名麟閣待君題

答施虞部曾繕部同直省中見懷

對直寒宵向省闈仙郎詞賦有光輝高懸霜月聯

曹近閑鑠冰廳見吏稀夢隔關城砧杵悉心隨江
漢鴈鴻飛草玄寂寞無人問自笑長安一布衣

送黃參軍赴閩幕

君行氣激五都豪閩越頻年尚屬橐簪裊軍勞秦
爵貴奉常家學漢庭高圖中按壘窺魚腹幕下持
觴論豹韜別去從軍詩早寄故人還贈呂虔刀

病中會繕部攜酒同黎秘書夜過得長字

並馬移尊問草堂茂陵秋色正蒼蒼城頭笛起關
山月檻外砧飛漢苑霜多病更堪羈思苦清歡其

柰鬢絲長芸臺水部能來往倦客渾忘在異鄉

次夕黎秘書攜酒會繕部同過得霄字

故人尊酒慰蕭條並控驂騮意氣驕郢里高歌迴
白雪燕臺寒色滿青霄城邊明月鴻聲起燈下清
霜木葉飄此夕謝莊慙作賦詞臣多在 聖明朝

病起會繕部夜過

倦疾柴門夜不扃三年蕭寺只沉冥瀑窻藥試疑
瞳碧山笥書成媿汗青明月頗思玄度詠濁醪能
問子雲亭他宵松落空壇靜誰共幽人石上聽

施虞部敦甫寄詩問予臥病次韻奉答

蕭齋偃臥卽山林門掩藜牀歲月深市裏玉壺聊
混俗省中詞客限同心擁衾洛下書生詠擊節幽
州馬客吟賴有故人相慰藉不須重問橐中金

十月虜警書事

三首

朔氣初飛萬樹霜驚傳胡馬過漁陽從軍豈乏三
河少度漠曾招六郡良鳴鏑月寒窺鴈塞射雕雲
暗散龍荒 皇威赤羽勞諸將不似周王擁白狼
甘泉烽火到長安闕下衣冠立馬看北轉儲胥芻

粟富西來驃騎雪霜寒觀兵帳外期超距拜將庭
中議築壇細柳已屯江總制月明羌笛滿桑乾
關塞秋陰暗白登飛狐道上羽書仍雲屯漢卒徵
三輔風急胡笳過七陵暫向太原稱薄伐已知吉
甫佐中興書生亦有燕然頌待勒恒山第幾層

答張民部餉軍左安門寒夜見寄

時京師
戒嚴

飛芻忽上白雲邊知爾登樓嘯遠天半夜軍聲胡
壘月萬家寒色薊門烟檄成楯鼻提兵日箭落旄
頭破虜年投筆欲隨驃騎去漢庭勳業在祁連

國朝詩集 旅燕雜錄卷之三 九
次韻酬曾繕部以三齋居省中見懷

燕臺風起暮蕭騷念我偏題尺牘勞
潤畧幸無三府辟激昂終媿五陵豪
公車歲月囊錢盡郎署雲霄劍佩高
停輦若逢明主問莫言賓客有綈袍

和梁彥國虜退後行經三河諸村落慨然見寄

戰後秋陰薊柳疎憐君駐馬爲躊躇
烽沉萬壘荒烟外鬼哭千村野
燒餘霜草有狐啼廢井夕陽無
鳥入殘墟防胡李牧須頻遣莫更邊庭走檄書

兵後梁彥國自灤州見過

遼海君如管幼安蕭條一騎客行難
埃邊星落秦皇戍戰後雲愁漢將壇
驛路飛沙千里暗海風吹雪萬山寒
燈前獨照昆吾劍長得蛟龍夜夜看

冬夜同梁彥國宿永光寺禪房懷故園諸子得來字

江南詞賦有羣才會共高僧社裏來
人憶歌驪辭粵嶠客疑招駿上燕臺
寒繙貝葉齋前誦香識梅花雪後開
惟與許詢禪此夕故園書待鴈飛回

雪中同梁彥國過文壽承學舍

袖中懷刺倦塵沙清曉尋君坐日斜
客食空齋惟苜蓿宦情高閣有梅花
庭陰獨下孤山雀禁雪遙棲萬樹鴉
經學漢儒推博士何人江左更名家

雪夜同惟敬餞別彥國還盧龍得高字

濁酒寒宵共爾曹明朝東去客途勞
山窺上谷孤城月關倚玄菟萬里濤
黃竹當歌燕雪積白雲隨騎朔風高
期君早獻甘泉賦金馬詞臣待彩毫

送許舍人稚幹請告還靈寶

金門侍從捧綸音去采三花結遠心
令伯表陳臣分淺茂陵書在 主恩淡
雪凝嵩少扶藜往雲起殺函駐馬吟
東閣故人應斲別豈容簪紱臥山林

送方憲副定之備兵饒州

使君千騎出長安干越新開大將壇
番令古城樓櫓壯康郎春浪舳艫寒
軍容班劍風雲起賓從胡牀雪月殘
遙想雅歌閑對酒芝山應是幾回看
冬至齋居後惟敬夜過得殘字

君從紫閣宿高寒下直還能訪鵝冠
惇史書餘雲未散太常齋後雪初殘
千官肅穆驟鸞輅萬騎周遭傍泰壇
聞道星辰環幄殿侍臣執蓋月中看

同文休承顧汝和黎惟敬於虎圈觀西域所
進獅子

禁苑般般繞象輿伏獅何幸仰宸居
風驅林邑千山外雲擁條支萬里餘
清廟已歌天馬曲君王猶納旅葵書
更聞九譯來朝貢太史編年在石渠

甲子元日早朝

千官催入紫宸班縹緲爐烟夾仗間
曉日洛中新甲子春風燕甸舊河山
凱成驃騎頻歸闕詔許呼韓近欵關
共聽太平元會曲彩雲飛處候龍顏

經南內

沉沉清禁轉朱扉深鎖松陰碧石圍
漢月曾窺青鳥去朔雲先擁白狼歸
雅翻宮雪瑤樓過龍噴山泉玉殿飛
司竹老臣猶望幸太平無事宴游稀

登遼后粧樓

綵檻雕闌半已荒房櫳樹色隱蒼蒼
年深凍蘚迷

粧匣人去秋雲鑱
廩廊玉鏡尚懸遼
海月瑤花不散薊
門霜三千部落無
勞望鴨綠江頭鴈
幾行

上元日望大高玄殿燈火有賦

太一祈年肅盛儀
燈前親拜竹宮時
燎烟夕殿皆青玉
法供春筵盡紫芝
雍時舊傳周室禮
汾陰今侍漢家祠
雲霄賦客多如雨
持橐何人獨髯絲

送鍾公琪改令博白

移官因得故園遊
津吏先迎鬱水舟
監郡久知皮氏長
賜書還問偃師侯
裝輕片石無勞載
山近丹砂且暫留
萬里登臺應北望
題詩須寄薊門秋

送徐別駕赴吉安

監郡多閑見吏能
安成山水最堪稱
黃牛石出疑巫峽
白鷺洲橫似秣陵
客至高齋懸榻下
詩成燕寢異香凝
明年地主應攜我
騎馬青原更一登

送楊叅軍允恭守曲靖

五陵冠蓋祖行杯
萬里樓船曉日開
越雋地形邛笮盡
盤江秋色葉榆來
客遊南部能蠻語
家出西京自楚才
諸葛盟壇雲樹裏
褰帷應向此登臺

送林邦陽僉憲赴汴備兵陳州

中原談笑擁青油
吹角河山萬里秋
獵騎風雲生廣武
蒐兵旌旆過鴻溝
尊前書記知能賦
戲下材官待運籌
不是玉關留客久
明年應得拜宸旒

送文休承赴吉水文學

家學吳門比陸機
一官猶着舊儒衣
執經講肆諸生滿
臨帖山齋過客稀
雪浪每從章浦見
暮霞多入楚城飛
石渠金馬徵賢日
時倚江雲憶禁闈

贈光祿李少卿請告還縉雲省覲

班衣歸去意何如
詔許仙都得暫居
客舍難忘光祿酒
卿家真見縉雲書
聽鶯早過雙溪水
下馬先趨萬石閭
須憶柏梁臺上宴
天涯春色伴還車

送沈祠部以安奉使因歸省湖州

冠蓋都亭揖玉鞭
故人多在薊門天
千山夢寐爲郎日
六傳風雲奉使年
綵服朝持新箬酒
白蘋春送太湖船
建章莫作經時別
御柳輕搖萬樹烟

寄徐子與

汝南尊酒送征輪
何事君爲去國人
漢日將軍逢

醉尉楚天漁父識孤臣
瑤華獨憶飄零遠金埒空
聞貴幸新早晚承明應再入
誰容烟艇五湖春

寄濮州蘇子川子冲兄弟

聞君濮上臥烟蘿兄弟才名二謝多
玉樹春風飛夢遠金莖佳氣早鴻過
釣臺艇畔莊周石草閣簾前瓠子河
倘憶倦遊梁苑客可無書札慰蹉跎

王戶部宅紅梅花

東閣名花許共攀獨憐疎影近雕闌
彩霞忽散春城色絳雪猶飛夕照寒
夢想海棠巴子樹步隨宮

柳漢臣冠關山莫遣吹橫笛留待江南醉客看

春日同惟敬約卿過弘法寺訪翠巖和尚

鹿苑西連紫禁天齋心曾問遠師禪
五臺戒向山中受雙樹花從雨後懸
晝永崔行春竹裏年淡松偃石窻前
許詢頗解閒來往杖錫何妨結靜緣

出郊至南海子

萬樹周隄起夕烟漢家宮囿帶三川
誇胡幾幸長楊館講武曾驅下杜田
敕使日調沙苑馬詔書春散水衡錢
西遊不數諸侯事尚憶詞臣扈從年

同曾選部于野韓虞部子成夜集范職方于
公宅

匈奴遠遁塞烟銷尊俎曾籌萬里遙士論總收燕
騶裊將材今數漢嫖姚山公有啟傳三署水部能
詩冠六朝獨笑荆高狂擊筑醉來猶自問金貂

答王百穀道館病起對月見懷

牘中新草獻長楊渴似相如髻已蒼客去獨吟松
几月僧來同掩竹齋涼扁舟遠興因吳語斗酒高
歌學楚狂東閣早聞奇士滿秋風吾有芰荷裳

送呂比部聲甫守廬州

虎竹初分霄漢間廬江小吏候濡關
寒帷春雨勞
農出懸榻高齋送客閑雲起每從三祖石
雀來曾
過八公山登樓不用懷京邑早晚承明入計還

送馮屯部信伯補撫州

襜帷南去問桑麻江燕飛飛引旆斜
內史臺邊翻
忍草夫人壇上散明霞銅陵夜月紅泉酒
繡幕春
風玉茗花太小馮君稱漢吏賜金何日到天涯

次韻答曾參戎子澄塞上行軍見寄

都亭別後憶驅馳大漠聽笳漢將悲南去長纓曾
自請北來驃騎一相隨官芻召募飛應急軍市酣
歌散未遲賓客蘭臺雖已老燕然銘筆爲君期

惟敬席上喜思伯使還

思伯奉命諭祭故尚書孫公

步兵廚裏一尊淡聞爾還鑣喜不禁使者玉魚親
走送故人金馬獨浮沉彈冠意氣誰相許拄杖烟
霞尚可尋醉後莫論烽火事并州空折白雲心

約卿東巡以靈巖諸詩寄示聞已登岱嶽

靈巖寺裏賦新詩千騎東方星斗隨漢月頗窺三
觀石秦雲多掛五松枝燕齊有客談仙訣禽尚何
年住岳期攬轡西風應奏草玉皇宮闕待親祠

送林維成宰邵陽

雙旌南去路偏長秋鴈飛時白苧涼城浸烟波皆
洞野花開山郭似河陽竹枝自渡湘妃水菰米先
稱楚客鄉歸賦上林還給札莫誇雲夢獻君王
十六夜同黎秘書吳侍御梁舍人集夢芝館

聽管山人作吳歌

千家明月照簾櫳高詠涼天散步同木葉自能飛

洛下秋聲先已滿雲中銀河影落詞臣酒玉兔光
搖御史驄醉後忽聞歌子夜禁城鐘鼓思何窮

送李太守實夫罷歸閩中

驅車落日滿河梁欲別猶堪典鷓鴣把袂幾人燕
市酒裁書八月薊城霜空令白鴈隨歸客只爲青
山憶故鄉君到南中榮橘柚應知三徑未全荒

送姜憲副宗孝之關中

清朝侍從有光輝十載祠官直禁闈繡斧日邊新
賜詔油幢關外遠宣威三秦豪傑分庭揖二華烟

雲繞座飛早向長楊陪羽獵漢家詞賦似君稀

答潘少承經赤花海上見懷

三載離居憶酒壚秋深猶自滯燕都誰堪俠氣彈
孤劍獨有歸心寄五湖笛裏關山新白髮樓前星
斗亂黃榆君看甲子泥塗客長嘯烟中且釣鱸

送黃僉憲士弘入賀禮成取道南歸爲大夫

人壽

時士弘方
巡建寧

紫宸車馬出長安仙掌秋深露已溥金鑑拜陳明
主壽玉觴歸獻使臣歡家藏桂籍分鸞掖筵近棊

花照豸冠聞道曾孫迎太姥畫圖何異幔亭看

九日惟敬置酒與張劉管張四山人同賦

白雲簫瑟一尊開共佩萸囊上薊臺橘熟題書曾
問訊菊荒爲客未歸來秋高大漠胡塵淨日落長
楊漢騎回惟羨故人今侍從飄零誰道子虛才

重陽後一日同古比部黎秘書集張民部宅

班生寧望酒泉封旅食重陽已再逢紫闥夢懸金
澗月白雲心寄石閣松故人薄祿多官釀狂客酣
歌待禁鐘手把茱萸還強飲明年何地憶追從

同黎秘書曾繕部吳侍御萬金吾出善果寺

訪馮侍御

封事朝馳玉節孤青雲冠蓋滿城隅客攜搗具迎
公子人向高陽問酒徒白簡霜飛千里草紫駝秋
落九關榆燕歌未歇傳杯夕猶識風流在漢都

題玉洞桃花圖贈大司空蔡公

赤墀委珮更珊珊五十曾登漢將壇胡騎早聞安
石墅洛師猶憶惠文冠關門紫氣何人候湖水扁
舟異日看萬樹桃花天日上山爐應熟九還丹

國朝詩集 旌菴和卷之三 三
送李子新還揚州因訊黃定父

霜欺季子黑貂裘金盡長安不可留黯黯離情平
谷月蕭蕭歸騎廣陵秋十年生事食菰米萬里勳
名視蒯緱欲寄黃郎無尺素但憑飛夢過瓜洲

秋風

蕭瑟秋風天雨霜年來書劍半摧藏畫看京兆頗
相笑舞袖長沙空自傷客計未應羞馬牧宦情誰
肯薄淮陽心知不待題麟閣猶得詼嘲陞楯郎
清切遙看西掖垣幾人薦引登金門龍淵池出斗

牛氣鳳詔天垂雲雨恩醉白漸多嵩洛夢草玄已
老蓬蒿園飄零短褐秋風客睥睨心期惟酒尊

大理潘公雪夜邀同吳侍御黎秘書萬金吾

集

夜淡寒色照簾櫳廷尉留賓似孟公且共持觴燕
市裏豈論結襪漢庭中秋風城闕聞清角積雪關
山斷暮鴻賦客此時慙授簡獨能沉醉倚青驄

雪夜同陸山人過張司理時張已補外陸將

還山

寒色千門日易低爲君一過玉河隄月移趙瑟佳人起雪照吳鈎俠客攜官閣梅花孤夢後釣船春草五湖西天涯尺素題何處好憶燕臺疋馬嘶

同吳約卿攜酒訪姚元白於慈仁寺因登毘盧閣得山字

秦京久客待君還鹿苑相攜霄漢間地湧飛樓雲繞烏天連孤鳥日銜山高寒並見金莖影禁近初歸玉筍班蕭瑟秋風憐庾信江南何處望鄉關
會比部子玉宅同馮侍御黎秘書胡禮曹夜

集

華髮金門隱歲星知君執戟愛沉冥鳳毛家學聞江左馬尾官書在漢廷醉後自能歌白雪燈前誰共舞青萍郊園賜沐承恩日曾戀松蘿月滿亭

送劉評事少脩調望江令

雪花燕甸馬韉寒又送鳴珂出禁鑾三禮甲科郎選重大雷漁長主恩寬且因杭稻移家去豈謂風塵作吏難聞是尚方曾賜鳥飛鳧還望到長安
至日同姚元白蘇子川黃定父吳約卿張羽

王飲黎惟敬宅時元白將還白下羽王將之
雷州

閭闔陽生積雪光高城夕送鴈千行江南不見梅
花使薊北空持柏葉觴銀燭莫教歌管歇玉顏應
笑髩絲長風流漸覺詞人散不待他年憶建章

雪中戴伯常見過

曉雪如花片片飄鳴珂猶復問僧寮人尋洛下無
行徑客倦咸陽有敝貂苑樹風吹珠錯落禁城山
擁玉峒堯衝泥欲跨銀鞍去先訪將軍第五橋

贈張司理羽王之雷州

酒盡征車不可留勞君萬里擁緹油荔枝熟處江
雲溼杉葉飛時海郡秋賦後鵬搏多作浪尊前蜃
起自成樓竹書歲報無冤獄前席從容待借籌

寄王仲房

聞君久托遠遊心浮世行藏自陸沉掌記軍中曾
入幕飛書海上亦辭金扁舟夜釣黃湖冷精舍秋
移白岳淡謾謾松風何處聽杖藜吾欲一相尋

次韻答顧玄緯見寄

早買山田四十雙扁舟歸去老江鄉談禪有客期
蘭若看竹何人問草堂世許谷雲工筆札自羞轅
固少文章一輶欲訪延陵子天末題書報鴈行

洞泉有仙人盧至柔遺跡顧光祿隱居在焉
爲賦是詩

璨山溪訪羽人居洞酌亭前寄敝廬流水玉琴揮
軫外秋風金澗聽松餘曾攀丘壠烏啼樹尚憶雲
窻鳥篆書江左周顒歸未得十年猿雀意何如

誠意伯劉公宅同羣公宴集得孤字

東閣梅花照玉壺上公開宴集城隅漢京授簡新
詞客燕市銜杯舊酒徒盟府勳名班劍在中天邛
第白雲扶長裾不少清狂興醉散朱門月色孤

吳明卿上計至都下

使者歸來謁建章鬱葱佳氣滿咸陽禁中樂府歌
朱鷺闕下書生對白狼鳴玉班行收客淚賜金顏
色借恩光子虛頗有相如賦侍從無勞上漢皇

歲暮次韻答施虞部

避喧金馬卽山堂燎玉空瞻紫禁光把酒病猶逢

漢臘披裘寒自拂胡霜家人椒頌勞相憶驛使梅花遠莫將惟有吟詩何水部共憑高閣望江鄉

送徐子明赴蒼梧參軍

躍馬都門意氣生飛書駱越舊知名炎洲道路三千里滄海戈船十萬兵豈爲故人誇負弩祗緣多難請長纓伏波門下南征曲更聽袁郎玉笛聲

冬日同文博士壽承黎秘書惟敬集顧舍人

汝和宅

逢君休沐下東華邀賞高齋到日斜已道書鈔麟

趾殿真看畫在虎頭家香爐雲起匡山石金竈烟分顧渚茶聞道五陵公子醉只誇銀甲撥琵琶

同項思堯黎惟敬諸君飲顧光祿汝所齊中乃兄汝由直閣汝和舍人皆在會

絳蠟金尊夜不寒豈知今夕在長安步兵廚裏酒新熟擁衲龕前雪未殘家有賜書班嗣富名齊伯仲季方難醉來索笑梅花下何似揚州水閣看

同惟敬夜過明卿得臺字

送臘尊醪日日開明星驅馬鳳城隈天知汲黯淮

陽至人笑王生渤海來裘劍摧藏惟解飲風塵荏
苒幾憐才俸錢莫問今多少且共酣歌上薊臺

除夕臥病酬施虞部見召不赴因訂早春之
約兼呈曾郎中吳韓二員外

東省屠蘇念故人席門虛枉使車頻愁深白髮三
年客夢破青山一病身玉醴想添新歲色金錢將
醉曲江春申公已側當時目猶得交驩侍從臣

送龐侍御少南出按兩浙

二首

明堂令布履端餘憲府霜飛按越初滄海潮迴収
萬弩潢池氛淨出單車探碑禹穴多奇字訪士桐
江有舊廬八使風流誰得似西京人望皂囊書
同時學賦羨君成流落憐子十載情周室主書專
柱史漢家掌故待諸生交游敢望彈冠出父老應
隨負弩迎浙水東西懷繡斧江花那得計王程

瑞室詩爲四明薛子熙賦

明經舊署鄭公鄉南渡衣冠歲月長野火不驚焦
處士山雲常護魯靈光藤交瀑下牕猶暗菊散霜
前逕未荒奇字祇今鄰禹穴高樓還礙並梅梁

誠意伯劉國楨使楚餞別於孫鴻臚宅得枝
字

燕臺征騎早春時九陌青青折柳枝玉節星隨周
使者朱陵雲識漢官儀澧蘭盡入詞人賦湘竹寧
忘帝子思鴻鴈從來飛不到天涯何處問歸期

陸使君道函入計還寶慶

使者朝宗出帝閣賜金南去奉明恩飛花撲面
驅郵傳落日離心寄酒尊風曳珠旗雲夢澤馬嘶
春草邵陵原上林奏賦嗟留滯待爾鴻書到薊門

清明前一日同方行人岳文學江張二山人
集孫鴻臚宅得孫字

三年持橐傍金門漢署還來問酒尊千疊浮雲迷
客舍五陵春草送王孫鶯聲半入華陽館馬首頻
窺灞水園他日看花攜手客禁烟時節望中原

送魏順甫使君上計還濟南

河梁垂柳拂雕鞍竹馬爭迎稚子歡燕筑淺杯懷
歷下楚歌明月滿長安黃金恩重君王賜白雪
詞高和者難別後檄書何處寄春鴻飛盡岱雲寒

贈黎君華岑貞叔南還

風起春城日易陰留君斗酒故情深
棄繻蹙出西遊路獻玉終酬北望心
驛路新鶯難駐馬天涯久客易霑襟
壚頭諸少應相憶爲報秋期在竹林

送馮侍御出按山西

侍從當年草白麻西行繡斧有光華
晉陽列署看雙柏汾水鳴驄散五花
霜落胡沙邊燧暗星隨漢使岳雲斜
建章正待籌邊疏不用蒲稍入內家

雨後飲蘇子川宅望西山得花字

西山爽氣滿窻紗丹鳳城南日未斜
翠黛遙分燕柳色青雲平出岳蓮花
閣開雙瀑長臨磻鳥度諸峰半帶霞
尊酒却疑人境外誰知還醉近臣家

送劉選部孟眞請告還夷陵

何事張衡詠四愁飛花春散鳳皇樓
蹙辭起草諸郎直誰共鳴騶六傳遊
三峽雲帆巴子月一江風笛渚宮秋
廷中最憶山公啟蘭佩荷裳未可留

送范職方于公奉使吳中

侍從頻年奉柏梁西風暫得過鱸鄉
出關偶作吳

洲客負弩爭迎漢署郎山下清溪通夕照城邊白
苧散秋涼輜軒歸上江淮奏願遣材官事朔方

答戴進士儀周

燕市還來共酒杯笑予寄宿在靈臺省中蘭佩今
堪結江上荷裳未可裁連騎豈知原憲病凌雲空
羨馬卿才玉河烟柳年年色曾見何人奏賦回

送畢兆先掌教安福

與君小小竹齋談此日青瑣出滄南滄海蛟龍雙
躍劍薊門風雨一分驟秋涼弦誦新茨野夜色樓

臺石鼓潭別後江鴻誰共聽相思應有白雲槭

送陳文學季謙赴信豐

聞道儒林近嶺邊章江西上孝廉船片帆烟水三
千里雙劍風雲二十年韋氏只今推世業文翁不
敢倚先賢故人相送堪相笑猶得微官足酒錢

徐子與入都見訪

薊雲千片擁驂騮把袂中原感舊遊一別雪飛桐
柏水三年書寄白蘋洲銅龍見爾鳴珂入金馬憐
予待詔留短髮蕭騷惟俠氣紫貂還問酒家樓

國朝詩集 卷之三
初秋同張李陳三戶部王山人柴文學集天
壇曹道士院得窻字

日午鳴鐘迎客到仙童花下立雙雙當秋山色分
松院過雨泉聲冷石窻白雀連翩叅法席靈風蕭
颯滿經幢詞人興在煙蘿外有約還來倒玉缸

弘法寺送徐子與謫長蘆

回首金門感慨多漢家遷客一悲歌玉珂秋散祇
園樹寶劍寒生易水波郡裏太行新鴈起尊前渤
海白雲過 主恩不遣長沙去咫尺承明髻已皤

早秋同達水部集施虞部省中園亭得來字
是日期曾繕部不至

署中涼色滿池臺更有雙尊出舊醅濯露蔬勞園
吏給冒霜花爲省郎開邊烽幸絕甘泉報胡鴈初
從大漠來寄問東曹詞賦客何時還共故人杯

訊沈祠部病

病來秋葉滿亭臯 聖主齋居念禮曹露下金莖
雙闕迴月明瑤瑟五陵高四愁有客思江漢七發
何人望海濤那得沈郎腰不瘦閉門猶是著書勞

國風音集 加燕和卷之三 五
秋夕臥病對月懷許維楨何啟圖二內翰

臥游因病久盤桓會記名山萬里看雪後驅車過
汝水月中搖艇入新安昔年白鴈思傳札此日銅
龍阻握蘭尊酒何因攜二妙清光知在玉堂寒

乙丑九日同古茂毼蒙廷俞張鴻與蒙廷綸
張伯鄰郭篤周飲倫紹周宅

薊城佳節憶烟臯尚喜東鄰有濁醪赤管自憐頻
索米黃花猶得共持螯酒錢頗美陶彭澤詩句淡
知謝法曹歲歲佩萸何處客歸心偏戀五雲高

送沈祠部謝病歸吳興

獨辭省署向烟蘿金馬其如病客何別騎關城驚
鴈早歸舟江嶠聽猿多簾前講肆逢巖叟溪上清
纓學楚歌知有郎中桑落酒蘭橈將泛太湖波

秋曉經西苑

日上觚稜照綵游西宮夜醮火初收滄池波色青
門曉長樂鐘聲碧樹秋名岳采芝諸使出中天築
館萬靈遊漢家詞客頭將白汾水年年望御舟

中秋同社諸子集方侍御宅得中字

醉客揮毫倚玉驄西園今夕正秋風關山一賦秦
城上礎杵千聲漢苑中歌後新涼生艤栗尊前清
露滴梧桐庾公此典應非淺月下何人賦最工

太霞洞天爲永昌周象賢賦

蘭津渡口望天池曾見王喬來去時山氣曉蒸華
馬國海雲寒接碧雞祠丹砂不用求勾漏采幔應
看勝武夷觴客九霞堪一醉何年瑤水與君期

燕京秋夜登樓懷故園

風起飛沙日易陰高城吹角此登臨歸人書去孤
鴻杳游子心驚落葉淡千壘浮雲驅大旆萬家明
月拭清礎故園亦在滄江上烽火年年聽捷音

南溪泛舟遇雨客有懷江南者共賦中字

城西陂上晚溟濛越客扁舟望不窮渭水雲沉波
色裏長楊秋在雨聲中乍飛雀子翻池白欲盡荷
花墜露紅多少燕姬愁翠黛共將離思寄江楓

送袁解元南歸

異鄉攜手客愁開秋色飄零酒一杯未論南州曾
薦士只知東閣解憐才薊門落葉千礎送滄海驚

波一擢迴已笑中涓求駿晚黃金寧不待君來

雨夜同薛文學晁秀才集吳侍御子沐宅

君家綠酒照玻璃佳句還邀燭下題宮漏稀聞官
舍裏城雲低度禁垣西銅街踏雨寒嘶馬白簡朝
大曙聽雞他夕金龜能笑解二豪猶得醉相攜

送戚進士世秀請告歸泗州畢姻

金門詔許出關遙淮水乘龍意氣驕鵠鵲青雲隨
去騎鳳皇新月在鳴簫花搖屏燭春開宴星引天
津夜度橋想是聽雞還戒旦含香催入 聖明朝

子與約會滄州子將從德州南行不得過先

寄此作

獻策無媒將遠遊蕭蕭一騎出盧溝白雲不散青
楓色明月獨照黃河流欲贈生平三楚璞可憐離
合雙吳釣他時莫憶悲歌客別後何人燕市秋

寄李于鱗 并引

十五年前從公實聞于鱗甚著公實已矣于鱗
今臥歷下僕時時思見其人無由東行一訪前
年入燕京獲覽觀于鱗歌詩於殿卿所今年春

明卿有寄題白雪樓詩邀僕同作而子與則謂
僕曰昔予二三兄弟旁得奇士卽四五千里外
移書相告輒引滿大酌以爲驩豈可使子鱗不
知南海有歐生耶因遣書通知僕感斯言賦寄
于鱗二詩幸題於白雪樓上酒酣耳熱時命蒼
頭歌之他日客有燃藜握管而過者必歐生也
屏居猶在列仙鄉十二樓臺蜃霧旁客自函關占
紫氣世從魯甸識靈光牕前海近彈琴潤岳頂雲
來散帙涼難向此中歌白雪相將看日到扶桑

高樓不下絕風塵傲吏當年早乞身金匱山經藏
岱嶽石渠門客出咸秦酒曾累日逢中聖賦更何
時奏大人海內從來誇御李願從騎鹿過千春

雪夜古比部攜酒雷比部同過

薊門積雪九衢光猶得相隨酒榼狂紫禁地分文
學掾白雲天遠尚書郎驪駒不用催官騎鸞雀偏
能戀帝鄉此夜王猷好乘興他年無憶剡溪長

送范太史伯禎奉使冊封魯王

殿前三策獻宸旒人識詞林第一流玉節西分周

太史金符東授漢諸侯古城弦誦兼風雪復壁圖
書燭斗牛鄒魯千秋還講業歸來何異馬遷遊

余省覲嶺外馬進士使遼東飲別霍進士愛
大宅得真字

祖筵雪色照城闈海內交情爾最真嶺表遼陽明
日路貂裘狐帽異鄉身尊前星斗關山遠闕下
衣冠氣象新燕趙悲歌還此地重來擊筑更何人
諸太史邀餞席上留別

玉署開尊雪滿廬勾陳東望通天居浮沉祗自逢
賓戲淺薄何能賦子虛離夜肯留文學讌聚星今
得史官書一經南去還持橐遙憶名儒議石渠

大理鄒卿夜餞席上留別

烏飛廷尉府中棲坐擁燕山玉嶂低半夜星辰丹
鳳繞千門冰雪紫駝嘶避人諫草閒曾檢愛客詩
篇醉屢題我去揚州五湖月春鴻偏憶禁垣西

張掖門留別曾以三繕部

燕市千杯送我歸中原交友似君稀易爲易水悲
歌淚難把河梁落日衣霜草臺邊孤騎去朔雲天

畔幾鴻飛誰憐長樂聽鐘客獨向江淮憶禁闈

周子脩蘇子川丁庸卿周汝礪孫文濟孫文
鼎項思堯黃汝會柴季通黃定父紀旭仁諸
君枉餞席上留別

高陽寧得少吾徒結客青萍日漸孤影組爾應留
漢署下帷人自出江都他鄉夢裏思瓊樹明月歌
中倒玉壺別後迢迢憐尺素不知雙鯉到淮無

張掖門再別曾繕部

關前立馬色蒼蒼抗手還同漢署郎雙闕風雲分
去路千山冰雪照離觴薊門賦後餘雙髻碣石書
歸待八行別汝相思無遠近天涯一望九迴腸

過河間郡

幽州甲士何翩翩自許黃金名募年插羽東翻滄
海日鳴鏡北掃塞垣烟路旁小兒能殺馬河間姪
女工數錢不見聽雞劉越石俠客中原空自憐

渡河入德州却寄慈仁和尚

和尚約會德州
余竟先行不能

待

魯門一望水如澗漸遠長安隔五陵鉅野旆旌蒼

國風詩集
流顧斷冰行役驅馳飛錫遠題書心媿鴈門僧

登岱 二首

天風颯颯起秦松鸞雀相隨上岱宗石暗客窺千
歲字雪殘僧扣萬山鍾翠華日月開虞狩玉檢雲
霞護漢封曾是仙人期六博夜來還借二茅龍
歲杪東遊亦快哉石閣高倚避風臺射牛不用諸
生議牽狗疑逢老父來舄外波濤銀闕湧杯前齊
魯白雲開誰能婚嫁遲栖岳禽尚何年向此回

闕里謁孔廟

尼泗千年啟闕宮壇前冠佩講時同鳳衰歌後人
何在麟出書成道已窮魯壁藏經殘簡積漢祠祝
史太牢崇東來鄒嶧觀鄉射猶聽金絲到廟中

謁孔林

世家何但表東州梁木空摧萬古愁鳥下山猶廬
冢夕葉彫林似奠楹秋岱雲不向城邊散泗水長
懸天上流落日緇帷延首地松門風急下寒溝

衍聖公留讌

國虞音集
放蕪和卷之三
四
堂開曲阜帶林霞西第歌鐘起暮鴉車服尚傳秦
博士宮墻猶識魯東家烟生寶鼎皆成篆雪積瓊
枝半綴花岱岳諸峰明月色相將終宴向庭斜

過薛城

公子傾身下士年至今俠氣尚翩翩三千客散荒
秋草七十城空鎖夕烟長鋏飄零收慷慨高臺歌
舞惜嬋娟不須更奏雍門曲牧豎樵童滿墓田

夜登徐州驛樓

汴泗交流重鎮成千家雉堞聽濤聲濁河月湧臺

邊迴衰草天連雪後平霸氣只今銷沛上楚歌猶
自滿彭城漢家更欲沉玄壁醜酒黃樓萬古情

時大

司空朱公奉
命治水夏村

青口驛遇鄉僧介公同登三祖山望瀟皖天

柱諸峰

地布黃金玉作岑西來三祖古禪林山雲半剪傳
衣色海石空留聽偈心礪水供筵經雪淨竹房清
梵出烟淡道人白雀同僧去天柱還隨杖錫尋

聞黎職方惟敬已趨金陵予自黃梅渡江過

歐虞部集
放燕和卷之三
三
濤陽不得相見

獻歲東風彩鷁催
濤陽難待故人迴
獨驅濤色三湖過
不見梅花五嶺來
持橐舊隨鳩鵲觀
揮毫今憶鳳凰臺
櫻桃未熟還江北
莫負金陵幾百杯

江州城樓晚望

家在漁村有釣簑
偶從簪弁失烟波
懷人書札春鴻早
作客江湖夜雨多
匡岳千峰雲不散
濤陽九派路如何
五噫豈似關東去
回首中原一放歌

瑞州官舍同黎比部晚酌淨芳亭

征鞍計日問長亭
筠上從君倒玉餅
憲府戟枝移竹院
官池波色上莎廳
頻瞻南嶠雲俱白
三渡西江草又青
同得趨歸家慶近
茅堂燈火帶春星

七言排律

燕京秋夜聞砧

丹鳳城南夜正長
萬家明月擣衣裳
忽驚落葉頻沾臆
不聽悲笳亦斷腸
遮虜漸聞過馬邑
拔營曾報破龍荒
豫愁綿折天山下
那識弓膠瀚海旁
書去再經燕草綠
夢飛不到塞雲黃
玉關縱待封侯

入祗得蕭蕭白髮郎

旅燕集

嶺南歐大任楨伯父

五言絕句

秋夜登曾繕部省中樓同黎惟敬賦

月
騁望遙天雲迢迢帶城闕關山一笛聲况是高樓

贈曹山人幼興南還

君看槐樹陌何似桃花源獨有長安夢相隨還故園

張山人將遊五岳過予寓舍爲別 二首

斃揖市上鞭一送雲中轡歸時五游成示我青苔
字

君 張公江海客亦誦龍虎文他日相逢處羅浮雀是

送人遊岳州

庭 離人愁獨醒湘草正青青憶上巴陵渡春波滿洞

劉子脩同往趙園看芍藥馬上作

遠 何代金谷園斜連上林苑十里看花人五陵紫騮

客 玉勒有佳期一片錦雲白誰將洛下春誇向楊州

新春曲寄子冲

玉貌颯風沙何人不憶家江南春未到馬上聽琵琶

來 曲中花半開羯鼓莫頻催芳草思公子春從濮上

宜春連下苑十里色葳蕤白馬翩翩去金鞭半欲垂

徐生誇絕倡醉殺五陵豪我醉何持贈君王有賜袍

題友雲卷

雲來積金峰影落朱陽館先生不出山牕中共舒卷

題董體仁玉几山房

齋居玉几側秋草下帷青弟子誰都講來傳董氏

經

七言絕句

贛州歌 四首

東閩南粵帶郴西嶺北轅門號令齊鼓吹行邊萬餘里風霆猶過漢山谿

翠浪玉虹南斗間庾關北走更千山火燾高牙秋色裏白雲長對節樓閑

鬱孤臺下江月光白鵲樓前江水長何處邊笳傳塞曲萬家砧杵滿城霜

國朝詩集
放翁詩卷之四
籌邊軍府有高樓
節制蠻方幾十州
贛水城頭夜
吹笛梅花飛
落楚門秋

小除夕至奉新

雪過青山馬上
看故鄉千里
歲將殘遙知祀竈比
鄰會獨念征人驛路寒

望玉笥山

羣玉諸峰不可羣
斗牛千里此中分
盪胸渺渺飛
鴻去天畔遙看一片雲

過石澗橋初入廬山

曲澗泠泠亂石中
紅塵已隔幾千重
從今欲控仙
人雀飛過匡廬第一峰

虎溪橋

虎嘯中原天地間
白雲猶得一谿閑
谿前送客師
應笑何事柴桑亦出山

白蓮社

淨土蓮曾幾度開
遊人今日有宗雷
高僧若結雲
中社誰更攢眉不肯來

善法堂

彌陀殿側遠公堂憶昔開山古道場緇素三千來
此會蒼茫禪海一津梁

講經堂

東林曾疏涅槃疑古木蒼蒼雪滿池弟子何人更
都講山猿猶似聽經時

許州道中

茅屋蕭蕭潁水斜行人何處問曹家春溪山下棠
梨樹猶自千條綴雪花
許下長途片雪殘貂裘狐帽過春寒題詩誇向江

南客贏得瓊瑤馬上看

過廣武

廣武山前雲色開千年楚漢已塵埃時無英雄有
豎子長嘯秋風天際來

題邯鄲呂仙祠

漳河西問主人餐釜裏黃梁醉後看聞道呂公會
一夢自憐驅馬過邯鄲

趙州大石仙橋

何處仙人倚石闌騎驢曾此向長安華清一笑遠

山後應憶西南棧道寒

登保定城望西北諸關

百里邊城倒馬關
白羊口外戍兵還
恩深一劍封
侯晚已覺風沙老
客顏

烽火星連戰後雲
廟堂懸爵待殊勳
將軍萬里懷
金印明月胡笳夜
夜聞

居庸關外虜降多
百萬旌旗奏凱歌
一望燕雲今
內地紫騮嘶過白
溝河

三輔星屯護
帝京漁陽上谷盡
精兵漢家斥埃
天山外不用勞軍
細柳營

早過盧溝橋

客行萬里見金臺
曉渡盧溝霽色開
聽盡春鴻還
策馬關門應笑棄
繻來

廣德寺禪堂觀牡丹

黃花翠竹散清芬
又見華鬢一院雲
獨坐繡經臺
畔石幾回天女異
香聞

王儀甫索題黎惟敬畫

綠柳晴波杳靄間
昆吾御宿直南山
仙郎尚記看

國朝詩集
花處宮錦曾披跨馬還

題劉子脩畫牡丹送吳子充還白下

內苑繁花勝綺羅五陵春色共經過君歸獨把金陵酒一曲誰同玉樹歌

春深魏紫滿雕闌爾到江南尚未殘獨有長安騎馬客曲江亭上幾回看

送羅美至宰雲夢

五首

李白曾爲七澤遊東窺雲夢帶昭丘竹枝歌罷巴童醉月在西陵萬樹秋

孤城更在楚江西瀨口千山夕照低君去行春應露冕不堪烟雨聽猿啼

於菟何處夢中歸此地蒲騷舊壘非試向鬪辛城上望楓林江水白雲飛

使君遊獵苑雲開明月珠旗曳楚臺不羨子虛誇作賦相如還奏上林來

漢江東下洞庭寒賦客登樓把酒看莫道烟波千萬里春鴻飛處是長安

送許充復赴滁州

一舸江淮水寺鐘看碑應到白雲重風塵羨爾扶
藜去秋滿琅琊七十峰

送胡憲使伯賢赴滇中 六首

萬里中原一騎過清秋飲馬渡黃河不知何處登
樓賦衡岳峰頭白鴈多

詔下樓船習水犀昆明更在益州西非緣聖主賢
臣頌爭遣王褒祀碧雞

葉榆河上赤楓秋霜落蒼山小隊遊騎吹翩翩迎
漢使諸蠻西拜五花樓

島夷曾畏伏波軍久見邊塵斷吐蕃白日烟消西
洱海青天雲捲雪山門

南中孟獲七擒時羽扇從容不用師鈴閣治書逢
使者函封先寄爨王碑

腰間寶劍七星開何限中朝贈策來君上高嶢還
北望白榆秋色滿燕臺

燕京遷居城南次韻答張鴻與倫紹周見訊
碣石宮前偶卜居都亭奏記未堪書上林亦有相
如賦五色雲中望玉輿

浮沉燕市結交新擊筑酣呼滿四鄰君看龍門誰
奮袞自憐不識漢平津

送梁判官之鬱林

臨蒸南去路悠哉塞鴈飛時海燕回一片鬱林猶
有石政成還伴使君來

劉仲恭索題文休承西湖圖

藕花風起綠波間十里平湖十里山載酒尋僧誰
可共畫船吹笛月中還

聞姚元白南還已過徐州

書寄彭城鴈已還春風先到秣陵關夢中不記黃
樓上萬里天涯一片山

題陳士謙墨竹

劉比部所藏

詞客當年有釣臺檀欒猶見夾池開玉簫曾共吹
明月何處雙飛碧鳳來

黎惟敬席上文休承有贈歌者戲和

二首

燕市悲歌酒易消雙聲流響入雲霄送君更唱江
南曲草綠吳洲第幾橋

西第留歡更此宵清詩題贈董嬌嬈錦袍明月江

船上誰共揚州聽玉簫

張侍御按浙還京吳侍御見招同飲萬金吾
園中因病不赴

紅藥花邊遣騎迎青絲空返獨含情曲中一片西
湖月閒殺文園病馬卿

好客將軍陳孟公門前時繫五花驄歌鐘不到書
生耳斗酒新豐明月中

韓虞部子成以詩招飲次韻戲答

馬似遊龍拂薊臺笑予猶得狎羣才韓嬰自冠儒

林學莫喚談詩世鼎來

寄李伯承

看花春盡薊門杯一出承明尚未迴曾是詞臣隨
玉輦豈堪西望柏梁臺

南譙父老擁旌游杯底黃河百折流落日離騷君
莫讀浮雲那似楚江秋

風塵九折畏途多濠上觀魚且自歌天末故人題
尺素漆園爲吏意如何

君上秋風百尺臺白雲片片亂鴻哀江潭此去三

國風音集
放蕪和卷之四
千里那得瑤華遠寄來

寄蘇子冲

酒錢正待蘇司業三月水邊多麗人君自曲江騎
馬過那能不醉五陵春

雪中題林逋觀梅圖

徵君不出意何如雪滿孤山一草廬詩在水邊籬
落處豈堪西上茂陵書

題孫參軍荔枝練鵲

紅雲開實滿林香海鳥孤飛練帶長粵客賦成西

掖裏荔丹時節最思鄉

胡仲一談嘉州凌雲寺之勝王叔承欣然賦

詩便欲西遊邀予同作

四首

巴渝千里望峨眉
看風急蒲帆片片吹
日暮嘉陵江上客
竹枝歌裏蹋船兒

凌雲樓閣半空懸
躑躅花深雨更然
五百比丘趨講席
人天會裏盡成仙

嘉州無數好山名
雪下岷峨春水生
曾共高僧談出世
尸陀林在鉢羅城

國風音集 旂燕和 卷之四 十一
楚天猿嘯斷人腸魚腹白鹽歸客航我欲裁書寄
三峽不知何處棹相將

對雪柬沈山人懋學 三首

白髮黃金未易成何年揖別漢公卿翩翩東郭先
生履猶向長安雪上行

木落女兒湖水低雪花飛過斷橋西孤山山畔梅
千樹曾見詩人一杖藜

風雪驢車且未還暫留薊子在人間開窗誰識揮
毫意畫出江南萬壘山

題元人唐子華捕魚圖 二首

漫郎家世在烟波一落紅塵失釣簑回首芙蓉溪
上艇買魚沽酒意如何

悲歌彈鋏欲何依春鱖秋鱸幸自肥手把漁竿容
易去五湖烟月待人歸

送張伯袞參軍之塞上 二首

出關沙草漸萋萋虎帳孤懸豕鹿西塞上題書須
早寄莫令投筆過摩笄

桑乾明月照琵琶都護西行莫憶家千騎不聞刁

斗擊鏡歌歸及上林花

和戴伯常種蘭同魏順甫賦

賜沐郊園正早春碧蘭爲佩尚堪紉明朝握向龍
樓側不扈江籬似楚臣

楚人賦本似離騷燕頷將軍亦綵毫一自蘭臺陪
宴後十年香草憶江臯

留別劉比部仲恭

二首

客子當筵意氣真滿天霜雪一沾巾千杯不醉襄
陵酒明日關河萬里人

上黨天低南北分 帝鄉攜手戀青雲心期五嶺
春鴻鴈還把瑤華一寄君

泰山四首

封禪壇

芝泥封石滿天壇燎玉無光月色寒七十二君何
處去白雲空自繞闌干

仙人橋

聞道青螺去復回何年驅石過蓬萊我今岳頂食
靈氣更待安期海上來

日觀峰

一出金門奉紫泥孤燈日觀聽仙雞君看東海扶
桑影高照長安玉殿西

觀海樓

海霧冥冥遠接天蜃樓東與岳雲連十洲只在三
山外不遣樓船更候仙

旅燕稿卷四

旅燕集後序

吾師歐楨伯先生蚤以經學聞粵中部使者及督
學諸公莫不稱重爲五嶺以南第一人也嘉靖壬
戌歲薦北上文賦翩翩起一日名動燕市館閣部
臺諸稱文章家者輻輳轂接於旅食之館而海內
翰卿詞客畸人逸士什九論交焉先生通而介樂
於過從倦於請謁不以一褐自慙不爲千金動色
游於諸公間引觴談藝逡逡如也彙其所作爲旅
燕稿四卷丙寅先生爲江都博士樞習毛詩章句

士耳先生授之詩說爲之講解而不以告文辭教人亦不立門戶講學倫理甚篤行誼最著蓋鞠躬君子哉近歲弟子之於師受舉業者每刻課文談心性者則刻語錄樞不能也獲侍齋中三年今先生隨牒光州門墻日遠思負朝夕之教因卽邵生所錄旅燕稿刻焉若夫先生詩詞之高古已著海內矣樞豈敢評品哉

隆慶三年十一月長至日江都門生徐樞頓首書

程